

REFERAT TNA - Lokaludvalget Tasiilaq d. 09-02-2022

Mødedato Onsdag d. 09. februar 2022 kl. 17:00

Mødested Kommununip ataatsimiittarfiani

Indholdsfortegnelse

Saqqaa..... 3

Ilisimatitsissutit..... 4

Pilersaarutit Tasiilami inuusuttut inissiassaat 4-8-t..... 5

Inuussutissalerinermi isumasioqatigiittoqarnissaa..... 6

Tamalaat..... 7

Imaqarniliap akuersissutigineqarnera..... 9

Punkt 1: Saqqaa

Ilaasortat / Medlemmer

Ole J. Lundblad

James O. Ignatiussen Napparsimavoq / Sygemeldt

Rasmus Poulsen

Harald Amagtangneq

Tobias Bajare

Punkt 2: Ilisimatitsissutit

2A. Aningaasat killiffii / Råbalance

Kakkiussami takuneqarsinnaapput suut bogføerneqarsimanersut.

Ilanngussaq bilag 1 feb

2B. Borgmesteri ataatsimeeqatiginissaa

Kinguartinneqaqqippoq sisamanngorneq ulloq 10. Februar 2022 nal. 12:00 – 14:00 ataatsimeeqatigineqassaaq, kommuunip ataatsimiittarfiani.

2C. Ikaartarfiliortitsinissaq marlunnik agiddiip kuuani.

Ingerlatsinermut Avatangiisinillu Ingerlatsivik aperineqarput, ikaartarfiit pilersinneqarpata aserfallatsaaliorneqarnissaat isumagisinnaaneraat, akissuteqarput illoqarfiup avataaniittut isumagineq ajorai, kisiannili aserfallatsaalinissaannik pisariaqartitsisoqarpat eqqartueqatigineqarsinnaasut ajornartorsiut aaqqinneqarnissaanik ujartueqatigiittoqarsinnaasoq.

Aasarpat kuut ornillugit misissorneqassapput, inissisimaffissaat kiisalu atortussat qanoq annertutigisut atorneqassanersut misissorlugu. Atortussat piniarneqassanersut imaluunniit illoqarfimmi sanaartorneqarnissaat periarfissanik ujartuisoqassaaq.

2D. Silami issiaartarfiit bænkit ilaqqinnissaat.

Nunaminertamik qinnuteqartalertussaasimammata, tamanna Ingerlatsinermut Avatangiisinillu ingerlatsivimmut paasiniarneqarpoq.

Paasiniarneqassaaq issiaartarfiit pioreersut, peerneqarsinnaanersut allamut nuullugit. Kiisalu eqqaavittai sumiinnerisut.

Beslutning

Ilisimatitsissutit tusaatissatut tiguneqarput.

Punkt 3: Pilersaarutit Tasiilami inuusuttut inissiassa 4-8-t

Suliassamik eqikkaaneq / Sagsresume:

Tasiilami inuusuttut inissiassa, inissisimaffissaat qanoq isummersuutiginerissi aalajangerneqassaaq.

Beslutning

Inissiat inissisimaffiginiagaat massakkut qimmiliveqarfittut atorineqarpoq. Innuttaasut tallimat arfineq marluk missaat piginnittut, qimmii inissisimaffigaat. Taamaattumik apeqquserneqarpoq, qimmiliveqarfittut inissisimanera iluarineqartorujussuummat. Eqqaani kooqarluni kiisalu immamut qanimmat ukiumilu sikugaangat, qimussikkut aallarfigissallugu inissisimanera iluarineqarluni.

Taamaammat Najukkami ataatsimiititaliami ilaasortat paaserusuppaat, inissiat tassaniinnissappata qimmit sumut nuunneqassappat? Najukkami ataatsimiititaliami ilaasortat pitsaanerutikkaluarpaa, inissiat qutsinnerusumut nuunneqaraluarpaat, qimmit allamut nuunneqannginnissaat pinerullugu.

Imaluunniit illoqarfinni inissiat arlaatigut avissaartuutillugit sanaartornissaat. Ataatsimoortinnagit inissiani najugaqartussat inuusuttuusassaammata, festertarfittut atorineqarnissaat erumagineqar-poq. Tamakku pinaveersaarniarlugit taamatut siunnersuutigineqarpoq. Kiisalu "Napparngummut" heliport-ip qulaata tungaani inissiat sanaartorneqarsinnaannginnersut apeqquserneqarluni?

Aamma Najukkami ataatsimiititaliami ilaasortat paaserusuppaat, inissiat inissisimaffissaata siunnersuutigineqartup nalaani, massakkut inissiat inoqartuniit qimmit arlaatigut naammagittaal-liutigineqartarnersut? Soorlu assersuutigalugu Iserit A/S-imut, qimmit naammagittaalliutigineqar-tarpat nipituallaarneri pillugu?

Punkt 4: Inuussutissalerinermi isumasioqatigiittoqarnissaa

Suliassamik eqikkaaneq / Sagsresume:

Immikkut ittumik ataatsimiinnermi ulloq 26/01-2022 Pernille SUSNOW/Tasiilami suleqatigiippugumiit peqataavoq. Tassanilu saqqummiuppaa inuussutissalerinermi isumasioqatigiittoqassasoq maani Tasiilami ulluni 19. – 26. Marts 2022 ingerlanneqartussaq saqqummiuppaa. Maani Tasiilami suliffeqarfinni ineriartortitsinissamik suut pingaaruteqarpat? Apeqqut ataatsimiinnermi aalajangerneqassaaq.

Beslutning

Oqaaseqaatit / Kommentar:

Aalajangerneqarpoq Søren SUSNOW-imiit tikippat ataatsimeeqatigineqassasoq.

Uku qaqinneqarput:

- Inissianik illoqarfimmi sanaartortoqannginnera – Sanaartornermi nakkutilliisumik atorfinitsitsoqarnissaa.
- Ujaqqanik sequtserivik
- Efterskole 8. – 10. Klassinut
- Højskole kaffisoriarfigisinnaasumik/naluttarfilimmik/tusarnaartitsivittalimmik il.il.
- Ilinniarfiit – takornarianik umiarsuarnik tikittoqartillugu angallatsisartoq
- Nerisassaarniarfiit / Kalaaliminerniartarfik
- Mersortarfik – kalaallisuuliorfik
- Aningaaserivinnik allanik arlalinnik illoqarfimmi
- Fritidsklubbikup toqqavia inuusuttut inissiassaannik sanaartortoqarnissaa, cafe il.il.
- Kalaaliarakoq inuussutissalerinermi ingerlatsisunut atorneqalernissaa
- Katersugaasivimmiit ataanut majuartarfiliornissaq aneerasaartarfilerlugit, kaffisornissamik periarfissalinnik
- Qatserisarfik nutaaq – qatserisarfitoq sumut atorneqassava?
- Kaffisoriarfissaq mikisoq illoqarfimmi (friturisunninngitsoq)

Punkt 5: Tamalaat

Beslutning

Rasmus-ip saqqummiussissaaq. Cafe-niarfeeqqamik pilersitsisoqarnissaa periarfissanik pillugu Søren Tasiilami suleqatigiipput-miit ataatsimeeqatigineqalerpat qaqikkumaarpaa.

Harald-ip apeqquteqaateqassaaq umiatsialivik sannavik pillugu. Umiatsianik sannavik sannavittut atussallugu tulluutinnigilaq. Sannaviup iluanut aput isaaginnavippoq anorlermat, matua sananeqarnera ajorpoq. Sakkussanik atortoqannigilaq umiatsiaq eqqunniaraanni, tattoqilluni eqqunniarsaralugu aatsaat eqqussinnaavoq, inunnik arlalinnik aatsaat ikiortilerluni. Umiatsialivik mikivallaarpoq. Ullormullu attartornera akisuallaarpoq, arlallit attartornissaanut akissaqartinnigilaat. Paasiniarneqassaaq kikkut isumagineraat, kiisalu inuussutissalerinermi isumasioqatigiittoqarnissaanut ilanngunneqarnissaa innersuunneqarluni.

Arsaattarfimmi issiaartarfiit kiisalu ungaluit pillugit, Peqqinnermut Sammisassaqaartitsinermut Kulturimillu immikkoortortaqaarfimmut ingerlateqqinneqassaaq.

Juulleriarthonerani juullerpaluttunik qullernik ikkussuisarnissaaq pillugu, Nukissiorfiit saaffigeqquneqarpoq kommuuni tamakkununga atortussaqaqnginnera pissutigalugu. Kiisalu Nuummi tamakkoqartarmat qanoq pisarnersut paasiniarneqassaaq.

Punkt 6: Imaqarniliap akuersissutigineqarnera

Ilaasortat / Medlemmer

Ole J. Lundblad

James O. Ignatiussen Napparsimavoq / Sygemeldt

Rasmus Poulsen

Harald Amagtangneq

Tobias Bajare